

COLOVINYL
MOSAICO di PLASTIC

Practico y moderno!!
Un bunita vloer pa cu-
sina, pasillo y baño.
FABRIKAAT
LINOLEUM KROMMENIE
MESKER - ARUBA N.V.
TEL. 1325

ARUBA ANSE COURANT



Diario pa



Aruba

KING SIZE COCA-COLA
MORE
FOR
YOU!

NOW!!
AIRCONDITIONING
FOR
COOLNESS
Tel. 2170
ELMAR

ANJA 23

DIAHUEBS 13 SEPTEMBER 1962

No. 4438

GOBERNADOR DEBROT TA BINI ANTILLAS DIA DOMINGO

Dia Luna e ta na Corsow

LA HAYA, 13 sept. — Mr. Nicolas Debrot, e gobernador nobo nombra di antillanon neerlandes ta ser spera diadomingo awor na su isla natal Bonaire. Su siguiente mainta lo e sigui pa Corsow cu Hr. Ms. Van Ewijk y banda di 10'or di mainta e vapor ta ser spera na 'Hondelskade'. Na e mes luna unda na Mei di onja pasa Gobernador A. B. Speekenbrink a bandona Corsow, e gobernador nobo lo pisa suelo di Corsow.

Na entrada di „Van Ewijk” lo tin un poder arma para na fila di lanti palacio di gobernador pa salud y prueba di honor dje fregata cu bandera, asina nos ta leza den un participacion di RVD.

Despues dje trancamentu un comision di recepcion lo bai abordo pa salud y gobernador nobo. Despues dje recepcion aqul gobernador lo bandona e vapor i acompaña pa sr. J.A. O. Bikker, president di Staten i demas miembronan di comision di recepcion e gobernador lo sigi na pia pa palacio di gobernador. Aya lo tin para un warda di honor cantu di camina cu lo sigi e comita.

Na yegada na palacio di Gobernador ta sigi e saludo door di gobernador interino mr. A.P.J. van Bruggen, ministracion i miembronan di Raud van Advies.

E gobernador interino lo dirigie na

governador Debrot cu un corto speech.

Pa 10.55 Raud van Ministers ta sigi pa sala di Staten, sigi algun mi-
nuit despues pa gobernador.

Na salida di palacio di Gobernador lo tin para un poder arma, mientras na yegada na sala di Staten e mariniernan cu ta para ei lo duna un demostracion di honor.

Aqui e gobernador lo ser saludado pa un comision di recepcion consistiendo di tres miembro di Staten.

Despues di pronunciaciun dje speech door dje gobernador aho ta sigi e salida for di sala di Staten pa 11.30 y lo sigi un recepcion 12'or pa miembronan di Staten i comidacionan special. President di Staten lo introduci e miembronan di Staten na e gobernador nobo. E recepcion oficial lo dura un ora.

Gobernador Debrot ta despedi di Antillenhuis

DEN HAAG, 13 sept. — Awe mainta, e gobernador nobo di Antillas Hulandes, Mr. N. Debrot lo sali for di Hulanda pa Antillas. Segun mr. Debrot a informa ANP e intencion ta pa e acepta su puesto di luna 17 di september, pero esey ainda no ta sigur.

sonal di cas tabata presente. Nan tur pa anjos tabata colaboradornan di mr. Debrot.

Un hecho feliz

Minister Lampe, kende a dirigie palabre na number di esnan presente a bisa cu e ta considera un hecho feliz cu e despedida aqul no ta nifica un fin na e carrera di mr. Debrot. Alcontrario, door di e nombramentu masha honorabel aqul senyor Debrot a logra un jalon nobo den su carrera. Na fin di su discurso minister Lampe a regala mr. Debrot un vulpen di oro na number di henter staf di Antillenhuis.

Contesta di mr. Debrot

Despues mr. Debrot a contesta minister Lampe y el a gradie pa e regalo bishando cu e ta haya e seleccion di un pen masha bon nosobra for di su hubentud pen tabata e instrumentu cu el a usa masha tantu mes. Ora cu e ta usa e pen semper e lo recorda cu hopi satisfacion pero tambe cu un poco melancolia riba e anjanan feliz di cooperacion cu esnan cu a regala e pen.

F A T U M—Tel.: 1845
pa tur bo aseguranon

Su manee diamars 18 di september gobernador Debrot ta bai Aruba.

Despues di su yegada aya pa 9.20 ta sigi un cerramentu di conoci oficial cu miembronan di Bestuurscollege. Despues di un paseo rond Aruba, e lunch lo ser tuma cu miembronan di Bestuurscollege. Tambe tin aqul riba programa un recepcion chiquito Atardi e gobernador lo regresa Corsow for di Aruba.

YUDANZA MERICANO PA JORDANIA

WASHINGTON, 13 sept. — Merca lo regala Jordania trigo y harina di pan na un balor di 6.2 milloa dollar pa evita falta di cuminda a consecuencia di sequia. Asina e oficina di desarrollo internacional a participa.

Pola Jorissen maestra nobo di ballet

ORANJESTAD, 13 sept. — Diamars n.p. a yega Aruba Sra. Pola Jorissen, e maestra nobo di ballet, quende door di mediaciun di Sdeusa a binl Aruba pa dos anja, afin di bin duna les aqul di ballet den scol di ballet di Culturele Centrum Aruba. Segun cu e ta bisa nos, sra. Jorissen ta un gran amante di ballet clasica y e ta jen di animo nobo cu eal e a binl Aruba, afin di por dispo-
ne su experiencia di 15 anja largu na servicio di CCA y hubentud.

Sra. Jorissen ta naci foi raza di maestronan di ballet cu tabata masha conoci decenanan di anja na La Haya. Centro di tur e actividadnan bailable aqul tabata e scol di baile Gaillard-Jorissen, na unda hasta prinses Wilhelmina y Reina Juliana a tuma les dia nan tabata mucha. Sra. Jorissen mes a cuminsa baila dia e tabatin tres anja caha. Bon bisa cu foi e tempo ei e no a stop di baila mas. Ora cu e tabata hasta grandi el a bai Paris, afin di sinja aya tur loque mas tabatin mester den e profesion aqul cerca prominentenan di ballet manera madame Igorova y Madame Nora. Jorissen nunca tabatin ambicionnan pa bira bailarina di ballet. Su mas grandi interes e tabata munstra den dunamentu di instruccion. Na 1947 el a regresa na La Haya foi Paris atrobe, unda el a tuma riba dje direccion dje scol di familia na unda fuera di ballet ta sinja bailenan di ballroom tambe. E scol aqul el a queda dirigie te na 1958. Luego el a bende esaqul pa e conquista un posicion como maestra di ballet di un kweekschool na Hengelo.

E tabata esun di prome cu a ser intercala cerca tumentu di un prueba nobo di educacion, eia: pa duna les di ballet na kweekschoolnan mescla na

Abordo dje vapor mericano di gera Mount McKinley diamars atardi un numero di cabeznan di scol a ricibi enciclopedia. Esaqul tabata „The Book of Knowledge” y „The Encyclopedia Americana”. E scolnan cu a hanja e hubnan aqul tabata Radolphus College, Maria College, Maria Immaculata, St. Thomas College, Maristhschool, Wilhelminaschool y Hendrikschool na Corsow. Aqul nos ta hanja un idea dje entrega door di comandante di Mount McKinley. Ademas tabata presente tambe inspector di ensenjanza sr. T. M. Sprockel.

mucha muhenan y bailenan clasica y duna formacion di conversacion na mucha homber y mucha muhenan hunto. Esaqul a sigui bon algun anja y por a considere como exitoso. Ora cu sin embargo despues di transcurso di algun anja imperio a bala e subsidio aden, lesnan a caba pa e kweekschoolnan.

VIAJENAN

Sra. Jorissen ta gusta biaha. Na anja 1948 el a haci un viaje di orientacion na Canada, afin di pone su mes na altura di bida di ballet na e pais aqul. Diez anja despues el a bolbe risca un semchante viaje, pero e biaha aqul el a bai Estados Unidos, unda el a bishita scolnan di ballet y colegionan den estadonan California y Washington.

Respecto su plannan pa Aruba ainda e no por a bisa nos masha cos. Ta aje-
ra nuna el a haer un dia aqul. E no por a bisa nada otro sino cu e tabata masha sorprendi pa e recepcion asina cordial y e enorme hospitalidad cu ya el a experimenta aqul. Loque ta su principonan di ballet, sra. Jorissen a declara nos cu e ta un amante fanatica di ballet clasica: e scol anto den cual tur cos ta draai rond di disciplina tantu es-
piritual como fisica.

VAPORNAN DI TURISTA PA ARUBA

ORANJESTAD, 13 sept. — Door di oficina Arubano di turista a ser parti un lista denter di comerciantenan rba cual ta menciona tur vapornan di turista cu lo bishita Aruba den e temporada di 1962 - 1963. E lista ta asina:

- 15 november: — Mainta te anochi.
„Jerusalem” — San Juan, St. Thomas, Martinique, Trinidad, ARUBA, St. Domingo, Kingston.
30 november: — 7'or a.m. - 6'or p.m.
„Statendam” — San Juan, St. Thomas, Martinique, Grenada, La Guaira, ARUBA, Port-au-Prince.
28 december: — 7'or a.m. - 11 p.m.
„Victoria” — Nassau, Port-au-Prince, ARUBA, Guadeloupe, St. Thomas.
26 Januari: — 7'or a.m. - 1'or p.m.
„Oslofjord” — San Juan, St. Thomas, St. Kitts, Nevis, Guadeloupe, St. Lucia, Barbados, St. Vincent, Port of Spain, ARUBA, Cartagena, Panama Canal Zone, Kingston, Port-au-Prince, Nassau.
7 Februari: — 12'or a.m. - 7'or p.m.
„Stella Polaris” — Nassau, Cap. Haitien, St. Thomas, St. Kitts, Martinique, St. Lucia, Trinidad, ARUBA, Kingston, Grand Cayman.
9 Februari: — Diasabra 8'or a.m. - Diadomingo 8'or a.m.
„Ocean Monarch” — Port-au-Prince, ARUBA, Cartagena, Cristobal, Kingston, Nassau.
20 Februari: — Diasabra 7'or a.m. - Diahuebs 2'or a.m.
„Statendam” — San Juan, Trinidad, Grenada, La Guaira, ARUBA, Martinique, St. Thomas.
22 Februari: — Diahuebs 6'or - Diasabra 5'or p.m.
„Empress of England” — San Juan, Antigua, Martinique, Port of Spain, ARUBA, Montego Bay.
28 februari: — 8'or a.m. - 5.30 p.m.
„Ocean Monarch” — St. Thomas, Martinique, St. Vincent, Trinidad, La Guaira, ARUBA, Cristobal, Kingston, Nassau.
17 Maarti: — 8'or a.m. - 12'or p.m.



Esaqul ta un bista dje sala di Primera Camara durante debatenan di Segunda Camara over dje convenio di Nieuw Guinea cu Indonesia, cual manera nos sa, a ser acepta pa segunda Camara.

„Ocean Monarch” — St. Thomas, Barbados, Grenada, Trinidad, ARUBA, Port-au-Prince. Compara cu anja pasa e numero di cruises pa Aruba pa venidero temporada, a aumenta hopi.

A APARECE UN BUKI DI SINJA PAPIAMENTO

ORANJESTAD, 13 sept. — Door di sres. J. Coronel, G.C. du Puy y W. P.A. de Rooij a ser compone un buki di sinja papiamentu cu sin duda lo hanja acobida bao di Hulandesnan Europeo cu a establece nan na Antillanan i cu ta gusta sinja e idioma dje lugá.

E buki aqul cu nos a ricibi di edi-

tor D.J. de Wit pa nos cerra conoci euné ta carga number di: „Papia-
mentu den un Cocolishi”. E no ta contene gramatica i contemplacionan extenso di idioma. Bo ta hanja sinja e idioma na fransenan pareu.

Centenares dje expresionan mas usa i fransenan bo ta hanja imprime den dos idioma.

Por ultimo bo ta hanja un lista di

palabranan. E buki ta den un forma chiquito i ta facil pa usa.

— Si antes e cerru di Eiger na Stiza tabata ser subi na anjanan 1952 y 1961 eaba pa alomenos 20 alpinista te na un altura di 1.800 meter, e anja aqul ya 30 alpinista a subie. Pero tambe ya euné dje subidornan di cerru aqul di Eiger a muri tambe e anja aqul (SDA).

COMPETITIE A.V.B.


Awenochi pa 7.30 den WILHELMINASTADION
LA FAMA vs. DEPORTIVO
„A KLASSE”

ENTRADA GENERAL: FL. 0.50
Pa mucha tin lugar tras di goal pa FL. 0.25

extra beans for
extra goodness...



yes...you get



beans in every cup of


NESCAFÉ

The all coffee instant coffee with the
„Let's have another cup” taste.

It's no secret that extra coffee beans make
coffee extra good. 43 choice, deep-roasted
beans go into every flavorful cup of today's
Nescafé. No other coffee... no matter how
it's made... tastes so fresh, so friendly, so
completely satisfying. In today's Nescafé,
the accent is on coffee!

Get NESCAFÉ today!


blended and roasted
...to your taste





Den-e aldea destrui di Persia cu jama Bocen tin un muhe
para cu un yiu riba lomba totalmente turdi meimei di ruina
di su cas.

BON NOTICIA
PA
COMERCIANTENAN



AWOR PA OFICINANAN TAMBE!

ATA BON NOTICIA PA COMERCIANTENAN!

Durante luna di september 1962 AINDA
bo ta ricibi

Fls. 50.- Gratis

pa cada un of mas instalacion di airco nabo.

Aunque bo tin un airco caba.

KIKO BO TA WARDA ANTO.....?

TARDI OF TEMPRAN BO TAMBE TA HACI USO DI

AIRE-ACONDICIONADOR

Pa mas informacion jama:

Oranjestad tel. 2170 — San Nicolas tel. 5530

N.V. Electriciteit-Maatschappij „Aruba”

REDDY KILOWATT



R.C.A. a supera Jong Aruba facilmente cu score di 5 pa 1 Yonko Albertsz tres gol...

(Di nos redactor deportivo)

Diamars anochi e onena tricolor di R.C.A. a obtene su promer victoria den e campeonato di futbol hoofdklasse 1962 ariba e equipa di Noord Jong Aruba. E score 5 pa 1 cu cual e weg a termina ta muestra claramente com e partida mes tabata, esta cu R.C.A. tabata superior den tur sentido. Y esey ta cu segun informacion di dirigentenan di R.C.A. cu e equipo tabata fallo di diferente hungador es- telar

Apenas dos minuut despues cu re- feri Coch Tromp a duna e senyal pa cuminsa, e delantero Yonko Albertsz di R.C.A. a percuta pa e prome gol di riendo den direccion di linksbuiten Alberts a ricibi un pase di linksburg y cu un shot lastra a pasa keeper Donko Farro di Jong Aruba pa pro- mer biaha e anochi ey.

Varios corner R.C.A. ta obliga e defensa di Jong Aruba cu atakanen peligroso. Uno di nan den di 7 mi- nuut tuma riba ala drechi door di linksbuiten Milo Croes, un cara nobo den e alineacion di R.C.A. ta resulta den gol number dos pa e onena di Solito. E corner bon tuma a pasa over di cabes di keeper Farro y bai den gol.

Den di 10 minuut un atake di Jong Aruba ta resulta den corner. Rechts- buitlen Vale de Kort ta tuma y e bala ta worde gekop aden door di Bibi Perez pero directament den man di keeper Gode Loefstop. Pa e partido aki Bibi Perez tabata aline- den e posicion di midvoor.

Mientras cu R.C.A. ta forma dife- rente bon atake cu combinacion pla- nea, e delanteronan di Jong Aruba ta pasa hopi trabao pa logra pasa e li- nea media di R.C.A. forma door di Juan Sanchez y Cai Helder. Falta di coordinacion y pasenan malo ta mologra mayoria di e intentonan di e rapido equipo norteyo.

Shotnan largo di Juchi Jansen y Al- berts ta sali na banda den atakanen di R.C.A. Cecilia Farro di Jong Aruba ta haci peligroso rush den di 26 minuut y ta shot duro aden. Cu pia keeper Loefstop ta logra taha e shot aki cu realmente tabata un mo- mento peligroso.

Algun minuut despues Jong Aruba ta bolbe forma atake y e biaha aki ta sosede un hugada unico ora cu midvoor Bibi Perez, siendo cu e ta cu lomba pa gol ta sorprende uno y tur como cu e ta dal e bala cu su hielchi. Nei den castigo di gol e bala tabata bai, pero como cu e no tabata duro, keeper Loefstop ta logra ten'e na tempo ainda.

Tanto Breinburg como Gonzalez tambe ta busca di sorprende keeper Farro di Jong Aruba, pero sin exito.

**Ange Perez ta anota
unico di Jong Aruba**

Cuatro minuut tabata falta pa half- time ora cu un pase largo pa e ala robes di Jong Aruba ta sorprende e defensa tricolor. E semper peligroso Ange Perez ta avanza rapidamente y for di posicion dificil ta pone un fue- te shot cu ta pasa net riba cabes di keeper Loefstop bai blas e net. Un bunita gol cu a pone e scoreboard move pa di tres biaha e anochi mar- cando 2 pa 1 den favor di R.C.A. Promer cu halftime a yega no a bin mas cambio den e score.

**Segundo mitad: Tres
mas pa R.C.A.**
Cu e sake caba Jong Aruba ta for-



Como a Ud. le gusta

E. F. Debot,
Inc.

Cumpleanjos

Awe ta celebra su feliz cumplea- jos senior Juliano Dirks. Y e ta ricibi felicitacion di su esposa Anna, Joe Rica, rumannan, suegra, cunja- nan y demas familia Geerman y Dirks.

Dia 11 di september a cumpli anja Maria Yrausquin. Felicitacion ta bi- ni pa parti di su jioenan Franklin, Juan, Enrique, Adela, Switbert, di su rumannan Marco, Victoria, Julianita, Maximina, Marcello, pa parti di su cunjanan Sara, Gerva- cio Helder, Livi, y tambe pa parti di Simplicio Werleman y demas fa- milia Yrausquin, Werleman.

ma un bon y peligroso atake. Nan no tin exito sin embargo ya cu e shot ta rebota contra di tubo di gol. R.C.A. su defensa a worde completamente sorprende door di e rapido atake ey.

Den di 5 minuut Yonko Alberts ta anota su segundo tanto di weg cu un fuerte shot despues cu defensa di Jong Aruba a keda atras. Poco des- pues Alberts ta bolbe anota awor cu cabes for di un bon coloca worde di alero robes Milo Croes. Score 4-1 pa R.C.A.

E atakanen ta sigi den e mes pro- porcion cu den e promer mitad, esta hopi di R.C.A. y poco di Jong Aruba. E hoben internacional Ange Perez ta esun cu ta percuta pa e momentonan peligroso di Jong Aruba hanjando po- co ayudo di su companjeronan den linea delanteru.

**Jong Aruba ta fallo
cu dos penalty**

Dos atake di e muchanan di Noord ta resulta den penalty cometi door di e defensa di R.C.A. pero den ambo ocasion e hungadornan di Jong Aruba ta falla. E promer tuma door di Ange Perez ta rebota contra curpa di kee- per Loefstop, mientras cu e segundo tuma door di Vale de Kort ta pasa over di gol.

E quinto y ultimo gol di R.C.A. ta pa cuenta di Ewen Gonzalez. Ken- de a pone un shot duro den skina poniendo keeper Farro haci su quinto trip pa e net. Cu e anotacion di 5 gol pa 1 den favor di R.C.A. e segundo partido aki di e campeonato 1962 a termina.

Un partido cu no tabata atractivo debi na e diferencia den caliber di weg di e dos equiponan. R.C.A. tabata superior na su contraponan y no tabata tin mucho momentonan di- ficil. Lo por a bira interesante si Jong Aruba a anota e dos penaltynan y asina trece e diferencia te na mi- nimo loke lo a duna e muchanan di Noord mas animo y entusiasmo, pero te hasia den e penaltynan nan a falla.

**JUVENTUD MILLONARIOS 4
LUCKY STARS 1**

(Di nos redactor Deportivo)
Cu anotacion di cuatro gol pa 1

AGENDA

Imprimi na N.V. Drukkerij „De Stad”
Theaterstraat 11, Willemstad
Edicion suelta obtenible na 20 cent na:
Union Store, San Nicolas - Bookhandel
Mariska, Oranjestad - y Cabana Shop

Edita pa:
N.V. ARUBAANSE DRUKKERIJ EN
UITGEVERIJ EN PUBLICITEITS ADJ.
Nassastraat 85 - Orsted, Aruba N.A.

ARUBAANSE COURANT

diariamente cu excepcion di
diadomingo.

Subscription 3.25 paga adelantado
Edicion suelta 30 ct.

Telefon 2116 Redaccion y suscripcion
1116 Directiva y anuncio

Directeur-hoofredacteur: D. Wolff

CINE

Diahuebs 13 di september
DE VEEER 8.30 „De slag bij Austerlitz” 10 J.
RIALTO 8.00 „The green helmet” 11 J.
PRINCIPAL 8.00 „The tall stranger” 11 J.
AURORA 8.00 „Hibel without a cause” 10 J.
SAVANETA 8.00 „El Cid” 10 J.

WIT-GELE KRUIS

Oranjestad: Zr. Kwalda.
San Nicolas: Zr. Perpetua
Santa Cruz: Zr. Ludovic
Hospital San Pedro di Vercosa tel. 2204

PARTERA

Zr. Th. E. Gibbs, J.G. Emanstraat 7A
Oranjestad, tel. 1355.

BOTICANAN DI WARDA

Oranjestad: BOTICA ODEBER, tel. 1780
San Nicolas: BOTICA SAN LUCAS, tel. 5119.

POSTSLUITINGEN

Donderdag
Anguilla 8.00, Antigua 8.00, Argentina 8.00, Bolivia 10.00, Brasi-
lia 10.00, Br. Guiana 15.30, Canada 8.00,
Cancun 15.30, Chile 10.00, COLOMBIA:
Barranquilla 15.00, Bogota 15.00, Costa
Rica 15.30, Cuba 10.00, Curacao 10.00,
16.00, Ecuador 15.30, El Salvador 15.30,
EUROPA: Azile-Afrika 8.00-15.30, Fr.
conada 8.00, Ghabeloupe 8.00, Guatemala
15.30, Haiti 8.00, Honduras 15.30, Br.
Honduras 15.30, Jamaica 8.00, Martinique
8.00, Mexico 15.30, Montserrat 8.00, U.S.A.:
Miami Fla. 15.30, Azile-Afrika Australi:
New York 8.00, New Orleans, La. 15.30,
Nevada 15.30, Nicaragua 15.30, Panama 15.30,
Paraguay 15.30, Peru 15.30, Puerto Rico
8.00, Rep. Dominicana 8.00, St. Kitts 15.30,
St. Maarten enz. 15.30, Suriname 15.30,
Trinidad enz. 15.30, Uruguay 15.30, VENE-
ZUELA: Caracas enz. 15.00, Maracaibo
15.00, Virginia Eilandan 8.00.
Atencion: Cerramento di piezanan certi-
fica ta un ora prome cu di post.

e partido di A-klasse entre Juventud
Millonarios y Lucky Star a termina,
den favor di millonarianan. Na half-
time no tabata tin ningun gol anota
aunda.

Awe nochi ta hunga di e campeo-
nato A-klasse den stadion e equipon-
nan Bubali contra di Union. Pa am-
bos ta nan promer weg di e campeo-
nato actual.

**MIEMBRO DI STATEN DI
SURNAM A MURI**

PARAMARIBO, 13 sept. — Ayera
tardi, a muri den hospital na Para-
maribo senior Ferdinand Pirau, miem-
bro di Staten di Surinam. E tabatin
57 anja. Su puesto den e colegio di
Staten lo worde remplaza pa senior
Chas Pinaas. Senior Pirau tabata re-
presentante di partido nacional di
Surinam.

RADIO VICTORIA

Diahuebs 13 di september 1962
12.45 Quiet Time
1.00 Radio Concert Hall
2.00 Reading Room
2.15 Songs of Zion
2.30 Quiet Hour
12.30 World News
9.15 F. Zuhet Habri
6.30 (Ghana)
10.00 World News
10.10 Hymn of the Day
10.15 Radio Recital
12.00 Ultimas Noticias
12.15 Musica Sagrada
2.45 Ultimas Noticias
3.15 Melodias Del Alma
3.30 Prosa y Poesia
4.00 Musica Di Banda
4.15 Ultimas Noticias
4.30 Cafe Con Musica
10.45 Theobis on Theme
11.00 Stories of Great Christians
11.15 Canticnan Di Evangelio
11.30 Woodies Di Morfia
4.45 Noticias Espanol
5.00 Academia Del Arte
5.15 Fubabran Di Bida
5.30 Musica Para La Cena
6.30 Interludio Musicales
6.45 Melodias Nuevas
7.00 Music You Can Understand
7.30 Hanger Bill
8.00 World News
8.15 Off the Record
9.00 Musical Goms
9.00 Agricultura
9.15 Ultimas Noticias
9.30 Songs in the Night
10.00 World News
10.05 Klassieke Musik
11.00 Sign Off

RADIO KELKBOOM

Diahuebs 13 di september 1962
8.00 Opening
8.02 Selecion musical cu disconan Latino
Americano
8.30 Cumpleanjos Feliz
9.00 Musica Varia
9.30 Melodias Instrumental
10.00 Ritmos Latinos
10.30 Programita di Nici Habibe Jr.
11.00 Musica Norte-Americana
11.15 Musica Antillana
11.30 Musica Varia
12.05 Noticia na papiamento (Local)
12.20 Musica Europeo
12.30 Nieuws in het Nederlands (Farlog)
12.45 Musica Norte-Americana
12.55 Nieuws in het Nederlands (Viana)
1.05 Musica Varia
1.30 Mei ora cu Holeros
2.00 Musica Varia
3.00 Un programma cu TWIST
3.15 Programita cu Ritmo di Cha-Cha-Cha
3.30 Programita di La Esperanza
4.00 Musica cu Sabor Azteca
4.30 Noticia Local (Pais - Deportivo)
4.45 Cocktail Musical
5.00 Dancin' Cubano
5.15 Musica Varia
5.30 Musica Popular
6.00 Noticia Deportivo (Gillette)
6.15 Calypso
6.30 Panorama de Nuestro Mundo (Spaans)
7.00 Nieuws in het Nederlands na pap. (Schultz)
7.15 Musica Europeo
7.45 Nieuws in het Nederlands (Mercurius)
8.00 Musica Norte-Americana
8.15 Novela (Estrellita)
8.30 Musica Varia
9.00 Programita C.C.A.
10.00 Clausura.

RADIO CARACAS TELEVISION

Jueves 13 de septiembre 1962
8.55 Himno Nacional, presentacion.
8.57 Informacion sobre los programas del dia
9.00 Carrusel
9.30 En el Jardin de infancia
10.00 Senderos de la vida
10.15 Cosas de mujeres
11.15 Cinco destinos
11.30 La perfecta ama de casa
12.00 La C.V.R. TV, informa a la nacion.
12.05 Su telenovela „Aei es la gloria”
12.25 En el show de Saime
1.40 Se necesita una amiga
2.00 Punto y aparte
2.20 Club femenino
3.00 El estudio de Hector Monteverde
3.30 Verbena infantil
4.30 Aventuras de Popeye con Yeyo.
5.00 Una pareja en apuros
5.15 La novela romantica
5.30 Tombstone Arizona
6.00 El show de Henry
7.00 El desafio del hombre
7.30 El observador
8.15 La novela „El amor tiene otra cara”
8.30 Esta noche Billo
9.00 La novela „El Dios caldo”
9.15 Julian Pacheco
9.30 Aventuras del Mississippi
10.30 del noticiero
10.45 En el umbral del misterio
11.00 El impleable Dawson
11.30 Wyatt Earp
12.00 Vision cruzadas
12.30 Informacion sobre los programas de
manana.
12.40 Noticia oficial, Himno Nacional,
despedida.

Amor scondi ta tempo perdi

pa: TUYUCHI

presenta pa cortesia di

HOLLANDSE BANKETBAKKERIJ

Oranjestad tel. 2798 — San Nicolas tel. 5478

**E mehor adres pa Bala y tur clase di pasa-boca.
Diariamente fresco.**

— No. 27 —

„Wel, wel, mube ta diabel. Dios sa
qui weg di comedia e Monica diestra
ei n' ta hunga cu pover Hubert ino-
cente.”

Riba perion e no a hanja sempe pa
e por a bise mucho cos, casi nada mes.
Si el a hanja e chens di a conta cane
bao di enter woto, anto sin duda e
comersacion lo a sigui un otro caso.

Entretanto Marcela tabata sinia den
e gloria inmovil i silencioso ta mira
su dilanti den lejano.

Monica i Hubert? Algo asina tabata
imposible? No en nunca Marcela taba-
tin menosprecio den ningun hende, ni
tampoco en e tabata quere den Moni-
ca su menor, solamente pasobra Moni-
ca tabata un pover muchu di cunani i
eorto tempo pasa cuidador di galinja-
nan di su tata.

No; Marcela no tabata asina. E taba-
ta sintie mas democratico en su tata.
Pero tabata molestia Marcela masha
com Hubert a sinti combersa un can-
tidad di ora eune sin bise ni un pia
di palabra over di Monica.

El a recorde cu Hubert a bira masha
confus ora cu repentinamente Julien
Fronard a presenta. Hubert a taba
un cara masha desgusta di di nulo. Ta
quico esei tabata nifica anto?

El a regre a cu un pensamentunan na
e dianan cu e masha bombar tabata
malo aqui i cu e tabata cuide.

„Wel, wel, mube ta diabel. Dios sa
qui weg di comedia e Monica diestra
ei n' ta hunga cu pover Hubert ino-
cente.”

Riba perion e no a hanja sempe pa
e por a bise mucho cos, casi nada mes.
Si el a hanja e chens di a conta cane
bao di enter woto, anto sin duda e
comersacion lo a sigui un otro caso.

Entretanto Marcela tabata sinia den
e gloria inmovil i silencioso ta mira
su dilanti den lejano.

Monica i Hubert? Algo asina tabata
imposible? No en nunca Marcela taba-
tin menosprecio den ningun hende, ni
tampoco en e tabata quere den Moni-
ca su menor, solamente pasobra Moni-
ca tabata un pover muchu di cunani i
eorto tempo pasa cuidador di galinja-
nan di su tata.

No; Marcela no tabata asina. E taba-
ta sintie mas democratico en su tata.
Pero tabata molestia Marcela masha
com Hubert a sinti combersa un can-
tidad di ora eune sin bise ni un pia
di palabra over di Monica.

El a recorde cu Hubert a bira masha
confus ora cu repentinamente Julien
Fronard a presenta. Hubert a taba
un cara masha desgusta di di nulo. Ta
quico esei tabata nifica anto?

El a regre a cu un pensamentunan na
e dianan cu e masha bombar tabata
malo aqui i cu e tabata cuide.

por tabatin algun otro den su cabes,
ese lo tabata su asunto.

Ademas na un manera nechi el a du-
ne di comperde i di comoe mas di
un bez caba i Julien cu tabatin un ca-
racter pacifico a bise:

„Mi ta acepta bo palabranan, pero
pa un tempo. Lo un quella spera riba
bo, Marcela. Si despues die periodo di
speranza aqui bo ideanan a sigui un
curso favorable pa cu mi, anto bo tin
di larga mi sa esei mas pronto posible.
Kinipi nuna cu bo wowonan i mi ta
chi pa bini cerca bo i declara bo tur
cos.”

Tambe su tata tabata stima Julien
Fronard i tabata desea pa e dosnan
aqui por a bira un pareja. Familia di
Julien tabata hende ricu. I Julien mes
tabata administra propiedadnan di su
familia. E no tabata flota, pero e no ta-
bata gusta move su curpa mucho.

Pero Marcela a bin haci su tata com-
prende cu lo e no e casa hamas, sino
solamente cu e humber en e mes ta sti-
ma. Y esei lo ta e humber quende su
curazon el a conquista i na quende el a
entrega su mes curazon.

Tabatin momentunan cu Marcela ta-
bata pensa:

„Si su heridanan tabata mas serjo
nan tabatin mester di un curido mas du-
radero. Anto lo mi a hanja ocasion di
mira su amor correspondi.”

I ta di comperde cu e dianan di
soledad despues di partida di Hubert,
Marcela e busca compania di Julien
Fronard pa un sorto di consuelo i com-
panjo.

E no tabatin ningun otro hende. Cu
su chiste i kleismentu e tabata alega
Marcela su sintimentu melancolico. Su
carinjonan tabata hacie lubida cu su
curazon tabata haci due.

I anochi den su cama e tabata jora.....

CAPITULO 5

Om Rudolf tabata masha ocupa den
ultimo dianan. E hendenan cu tabata
mira e anciano aki tabata aneda asom-
bra cu eunio animo i energia e tabata
decide na su trabao.

En una palabra e tabata un anciano
incomible.

Cu en Hubert tabata mira e tin
atna actio e tabata comprende i con-
vencu cu ta di berde mas e humber aqui
mester a traha masha duro na estran-
jeria pa e logra aqui loke e tin. E no
tabata lama ni un momento para sin
trabao.

NICK TRACY pa cortesia di: CIGARIA ANTILLANA e cigarito mas preferi

Cu filter y sin filter. Agente: J. H. (Yendi) Cross — Aurora Bar Tel. 1041.

1. „Homer el a golpea mi,
despues el a mara mi y a
hui bai cu mi truck.” 2. „Mi
a menos 8.30 ora cu mi a
para prome bez.” 3. „E
tabatin algo den un saku
grandi, y mi ta kere cu el
a ripara cu esey lo hala mi
atencion ariba mi truck.”



RIP KIRBY

pa cortesia di: Jan Bodegom en Co (Aruba) N.V. TEL. 1284-1402

agente exclusivo di FRIESCHE VLAG lechi evaporado y lechi en polvo. MAXWELL HOUSE KOFFIE

1. E yegada di un pasahero
a jama interes ariba „Reina
dei Oceano.” 2. „Ta ma-
dam Mystere. Nos lo tin un
otro viahe di aventura, capi-
tan.” „Bai telefon y cumin-
sa cu e plan di emergencia
numero tres...” 3. „Terde
bon... Yama Rip Kirby.”





Situacion ta alarmante na Brasil trobe

BRASILIA, 13 sept. — Ex president Kubitschek di Brasil aia a haci un yamamentu negoce na tur brasilonian pa un nan mes y pa enfrente a actual crisis.

Mas cu nunca, asina e ta bisa, interes di pais ta existi, pa nos tur ta uni y asina combati e chaos cu ta amenaza nos pais.

E agencia frances di noticia "AFP" ta duna ademas como opinion di observadornan, cu e reciente desarollonan den e situacion politica na e pais inevitablemente ta parce na bai den direccion di un crisis. E hefe di estado, cu no ta sconde su preocupacion tocante situacion den e pais, ta haci tur loque ta posibel pa vega na un acuerdo den representacion di pueblo.

Deliberacion

President Goulart a delibera cu e internan politico, especialmente cu esnan di e grupo conservativo, pa logra haya nan asina lei cu nan ta bira poco mas flexible. Pero e adversarionan, pa tene un referendum tocante e constitucion di Brasil, no ta dispuesto pa duna ningun cooperacion.

Decidido

E president di e Union Nacional Democrático a declara den coridor di parlamento: "Nos actitud ta decidido. Nos lo no permiti e gobierno aqui nada mas".

Na Brasilia, unda e cantidad di delegadonan pa reunion publico a alcanza un cantidad cu ta un record, tin hopi movicion tras di cual ta sconde un cierto nerviosidad.

Algun delegado a anula e gastunan cu nan tabatin intencion di haci en conexion cu e campania di eleccion, pasobra nan no ta sigur mas di e fecha di e eleccionnan.

Segun observadornan e actitud di forsan anula lo ta e factor decisivo den e crisis. Parece cu actualmente e ministernan militar ta apoya president

Decidido

Eleccionnan

Na Roermond (Limburg) director general di Rijkswater Staat fr. J. v.d. Kerk a efectua e apertura dje brug nobo di trafico over di Maas, masha importante pa e comunicacion entre Alemania y parti sur di Hulanda.

Esaki ta un bista dje bposante brug nobo cu e prome trafico. E portret aqui ta saca for di toren di catedral di San Cristoboro.

Goulart, pero parece cu parlamento no tin miedo di un solucion violenta di e crisis.

CRITICA DI LORD BRABAZON

DUBLIN, 13 sept. — Lord Brabazon di Tara, e pionero Ingles di 78 anja riba terreno di aviacion, ayera na un conferencia di representantnan di companianan di aviacion a declara na Dublin, cu nan no ta haci tur loke ta posibel pa evita desgracianan aerea.

Segun Lord Brabazon cada luna tin un desgracia di avion. Si e actual desarollo sigi, anto na fin di e siglo aki 10.000 pasahero lo muri pa anja, cu cada dia pasa un desgracia di avion.

SALIDA DI GOBERNADOR PA ANTILLAS

DEN HAAG, 13 sept. — E gobernador nobo di Antillas Hulandes, mr. N. Dehrot, lo sali diahuebs festa awe (nochi) for di Schiphol pa Antillas Hulandes. Ayera merdia e gobernador di Antillas a tuma lunch nuntu cu vice-minister president Korthals di Hulanda.

Manera ta conoci mr. Dehrot lo bai Bonaire, su isla natal, prome cu e sali pa Corsou.

NAN A LAGA JACK SOBIE SALI LIBER

WASHINGTON, 13 sept. — E ministerio Mericano di husticia a participa ayera cu Jack Sobie, kende anja pasa a presenta como testigu contra su rumao dr. Robert Soblen, a worde liberta dia 31 di augustus pa via di su bon comportacion riba huzamento.

Nan a participa e noticia despues di morto di Soblen na London. Jack Sobie — e rumannan tabata scirbi nan nomber diferente — na anja 1957 a worde condena na siete anja di castigo di prison despues cu el a declara su mes culpable di tabata complice den un caso di espionage pa Union Sovietica.

EDER JOFRE TA QUEDA CU TITULO BANTAM

SAO PAULO, 13 sept. — E Brasilenjo Eder Jofre, campeon peso Bantam, ayera cu exito a defende su titulo contra e Mexicano Joe Medel. Jofre den di sexto round di e pelea a manda su adversario lona pa conejo di dies. Tabata di cuater biaha consecutiva cu Jofre a defende su titulo cu exito. Di e 43 peleanan cu Jofre a bringa te awor aki como profesional, te ainda e no a perde ningun.

DR. WILLIAMS LO BAI HULANDA

PARAMARIBO, 13 sept. — Segun e corant "Trinidad Guardian" Dr. Eric Williams, premier di Trinidad y Tobago lo bai Hulanda pa combersa cu industrialnan tocante e posibilidadnan di inversion. Premier Williams lo keda Hulanda tres dia.

Nan ta calcula cu e lo yega Hulanda na fin di september despues di e conferencia di ministernan na London. Entre otro e premier lo bishita e fabrican di Philips y haal di Rotterdam.

E invitacion na e premier Trinidadario ta un consecuencia di e combersacionnan entre e premier di Trinidad y mr. Emanuels di Surinam.

Dr. Williams kier bishita Hulanda pasobra e pais ta miembro di EEG, y pasobra Hulanda ta favorece afiliacion di Inglatera na e comunidad. Premier De Quay lo ricibi premier Williams.

Ministerio Hulandes di exterior a participa riba un pregunta cu ainda nan ta deliberando tocante fecha y programa di premier Williams, kende lo ta huesped di gobierno Hulandes.

BASENAN RUSSO PA RAKET

TAIPEH, 13 sept. — Un corant importante na Formosa ta anuncia cu e Rusonan na anja 1958 en secreto a traha un cadena di basenan di raket, cu ta corre for di Dairen na Mansioerje (e na e isla Hainan).

Cu excepcion di enater, tur e basenan aki ta equipo awor cu raket.

E cadena parece ta 2.550 kilometer largu. Cu e cadena aki e Rusonan kier kibra e enceramentu door di e basenan Mericano di raket.

E autoridatnan militar di China nacionalista no kier a desmenti e noticia aki, pero tampoco nan kier a duna un confirmacion.

CHINA COMUNISTA Y STOPMENTU DI PRUEBANAN NUCLEAR

PEKING, 13 sept. — E corant di China comunista "Diario Popular" a scirbi ayera cu Mera door di entrega un proposicion tocante un prohibicion limita pa baci pruebanan nucleares, kier preveni cu China comunista ta traha armanan nucleares. Corantinan di ocidente ultimo tempu diferente biaha a scirbi cu Mera kier mara nan di China comunista pa loke ta armanamentu nuclear y cu esey ta un di e intencionnan di un prohibicion limita, asina e corant ta bisa.

DELEGACION VENEZOLANO TA BISHITA SURINAM

PARAMARIBO, 13 sept. — Cu un avion di KLM a yega Surinam senjores J.M. Machin, miembro di e parlamento Venezolano y J. Murillo Vivas, consehero juridico di e president di Venezuela.

E Venezolanonan a bishita e gobernador interino di Surinam y tambe e presidentnan di ministernan y di Staten di Surinam.

CANDELA GRANDI NA WORMS

WORMS, 13 sept. — Den e fabrica grandi di muebles di Karl Kuebel na Worms tabatin un candelita formal ayera. E candelita a expande su mes rapidamente y dje despues otro fabrican den cercania — entre cual un fabrica quimico y un fabrica di papel — a pega candelita. 36 Cuerpo di bombero a lucha contra e candelita.

Cuerpo di bombero na Worms mester a haci un yamamentu riba esnan den e ciudadnan den vecindario, pasobra pronto a resulta cu esun cuerpo so lo no por domina e candelita. Nan ta calcula e danjo na seis millan mark.

E danjo mas grandi a sufri un fabrica di papel y e fabrica di muebles. Nan no por a usa un brug pa trein riba Rijn pasobra algun palu cu ta tene e rielnan na otro a pega candelita.

Te laat den mardi e 600 bombero nan cu a tuma parti na e lucha contra e candelita a logra domina e vlamnan.

Our special cake of the week is:

ALMOND CAKE FL. 5.—

Delicious Pies a weekend treat for your family.

Every week:

FRESH CREAM CAKE FL. 6.50

Rainbo Bakery Rainbo Bakery

ORANJESTAD SAN NICOLAS

Tel. 1327 Tel. 5064



B. J. SCHENDSTOK GENERAL MANAGER DI „DE OLDE MOLEN“

ORANJESTAD, 13 sept. — Desde dialuna u.p. a ser nombra como general manager di „De Olde Molen“ sr. B. J. Schendstok, te corto tem pasa asistent-manager den Esso Club na Seroc Colorado.

Sr. Schendstok ta sucede sr. G. J. Woudenberg.

E manager nobo ta un yiu di dokter Schendstok, un dokter cu ta traha na Lago. E tin diploma di hotelvakschool di Lausanne, Suiza y foi despues dje tempo ei el a traha den diferente seccionnan na Hotel De Witte Brug na La Haya, KLM Restaurant na Schiphol, „Glockenhof“ na Zuerich y porfin na Esso Club ya menciona anteriormente.

La intencion di sr. Schendstok di sigui traha pa duna e restaurant aqui un aspecto hulandes, tantu cu ta posibel. E ta pensa di presenta tur dia un specialidad hulandes riba menu. Esaki huntu cu e menu di custumber.

Sr. Frans Geuzehroek, foi inauguracion chef di cushina dje restaurant aki, lo percura pa manera nan a sigura nos, cu e plato hulandes ta en realidad tambe 100 porcientu hulandes.

PRESUPUESTO DI FRANCIA

PARIS, 13 sept. — Ayera e minister Frances di finanzan, Valery Giscard d'Estaing, a entrega su presupuesto pa aña cu ta bini cerca e comision financiero di asamblea nacional.

E minister a declara ora cu e ta entrega su presupuesto cu Francia mester haci tur loke e por pa logra dos intencion importante: adaptacion di 600.000 repatriante for di Argelia den bida economica y continuacion di e aumento economico cu seis porcientu pa anja.

ULBRICHT NA PALABRA

OOST BERLIN, 13 sept. — E lider di partido comunista di Alemania Oriental Walter Ulbricht a bisa un di e dianan aki den un discurso na Leipzig cu ocidente lo mester paga extra pa cada demas suspencion

E TEBLOR NA PERSIA

TEHERAN, 13 sept. — Mas di 10.000 cadaver a worde hania na Persia como consecuencia di e terrible terremoto cu tabatin dje dia pasa y bao di e ruinan lo tin mas. Asina hefe di general staff na Persia general Abdoel Hoesein Hedjazi a participa.

Ayera tabata nan a anuncia cu tabatin 6000 victima.

NOTICIANAN CORTICU

— E trayecto Roma—Napels den „Autostrada del Sole“ lo queda habri dia 22 di september pa trafico, asina a ser participa na Roma. Dos otro parti, di Roma pa Frosinone y di Capua pa Napels, ya ta na uso cuba. (RTR)

— Foi awe diahuebs tur pasaheronan occidental over di ruta internacional door di Alemania Oriental, lo ser registra pa polizian westberlines pa por confirma mas libe eventual perdicionan. (DPA)

— Bao di auspicio dje comision Suecia—India un grupo di nuche hoben sueco y seis hobencito lo bai India cu auto pa bai traha aya durante un anja na ereccion di un „Comunidad di modelo“ den e pover aldea na Noord di India Dhanaura door di mehoracion di metodo agricultura y ereccion di empresnan. (ITT)

— Rey Gustavo, sexto Adolf di Suecia y reina, a combida 70 representantnan di prensa, television y radio pa un recepcion na ocasion di celebracion di 80 aniversario di e rey riba dia 11 di november p.v. (ITT)

— E numero di poblacion di Stockholm cu na fin di anja pasa tabata 907.229 alma, a cuminsa ta reduci gradualmente y segun calculo na fin dje anja aqui lo e ta 805.000. (TT)

— Den periodo di juli anja pasa te na juli dje anja aqui e numero di receptoran di television na Austria a aumenta cu 37 porcientu. Awor tin 335.875 receptoran registra (APA).

— Den e region fronteriza entre provincianan Stiermarken y Opper-Austria di Austria a ser descubri un serie nobo di grutan grandi cu va a ser midi te na distancia di tres kilometer y segun nan posicion geografica no ta masha adecuado pa uso turistico, pero wel nan ta ofrece un bon ocasion pa investigadornan científico. (SDA)



Den ciudad industrial di Westberlin Duisburg general De Gaulle a bai haci tambe un bishita na fabrican di staal di August Thyssen durante su prome bishita na Bondsrepubliek. E esera tabata asina cordial, cu na ora di su baida cu trein special pa e bai Bonn e mester a rek foi bentana dje trein pa e saluda e trahadornan dje fabrican cu a bini especialmente pa mir'e.

RIES 11 Maart — 20 April



E mehor aspectonan en actualmente ta di vigor ta yuda bo na agra bo interesnan financiero.

AURUS 11 April — 20 Mei



Un aspecto favorable ta existi hopi di ottonan. Cu lacha lo no logra bo intento.

GEMINI 21 Mei — 20 Jun




Tin bon aspectonan pa liquidacion di mal entendimientonan i evitacion di kestion.

CANCER 21 Jun — 22 Juli



Bo tin awe mas suerte den relacion di amigo, coreccion i personanan queri di bo banda.

LEO 23 Juli — 22 Augustus



Aspectonan di awe ta considerablemente mas mehor. Trata di bai dilanti den asuntonan di interes.

VIRGO 23 Augustus — 22 September



Aparentemente oo tin hopi suerte den asuntonan di planan nobo i programa nobo.

HOROSCOOP DI AWE

Pa cortesia di BOTICA ARUBA

„Bo botica di confianza“

tel. 1080-1081

LIBRA 13 September — 22 October



Lo bo logra mas tantu awe door di cooperacion cu ottonan, door di advies i semelantenan.

SCORPIO 23 October — 22 November



Lo bo por cosecha hopi felicidad door di contact cu ottonan i amiguanan. Busca union.

SAGITARIUS 23 November — 21 December




Awe ta un dje mehor dianan di luna pa bo haci negoshi. No hui pa e chensnan di awe.

CAPRICORNUS 22 December — 19 Januari



Tin aserionan cu ta mustra cu lo bo cambia di un punto interezante di opinaon of idea.

ACUARIUS 20 Januari — 18 Februari



Un kestion masha importante por ser hiba awe na un bon fin, te banda di anochi laat.

PISCES 19 Februari — 20 Maart



Esaki lo ta un mehor dia i anochi pa ottonan pa gana bo opinion i aprobacion.

BUCHI ROBEZ

presenta pa cortesia di:

REFRESQUERIA INGRID

Tel. 1849

★ e mehor adres pa snacks, tur clase di dushi, softdrinks, ice-cream y revistas

